

萬 有 文 庫

第二集七種

王 雲 五 主 編

升 菴 全 集

(一)

楊 慎 著

商 務 印 書 館 發 行

升菴全集

(一)

楊慎著

國學基本叢書

鎮徐

中華民國二十六年三月初版

著作者

楊

慎

發行人

王 上海河南路

五

印刷所

商 上海河南路

務印書館

發行所

商 上海及各埠

務印書館

王雲五主編
萬有文庫
第二集七百種

升 菴 全 集
冊 八

(本書校對者 龍旭光 徐鼎銘 潘其璇
劉培慧 周蕙侯)

升菴全集序

古今來著書難。傳書亦不易。文人如吾蜀升菴太史至矣。生平枕籍乎六經廿史。博涉於諸子百家。固也。然天必資之以穎銳。假之以巍科。使之不惟得盡稗野之精。更得以窺石室之藏。且投之荒徼以作其志。廣之涉歷以擴其胸。而後自紀傳誌銘詩賦等正集外。如丹鉛諸錄。譚苑醍醐。諸雜著。無論數十百種。靡不膾炙海內。入人肝脾。著書豈易哉。顧參蜀人也。且生於升菴之鄉。幼聞父師講誨。知升菴學通天。人才雄藝苑。且著述之富。冠絕前儒。心竊慕之。因徧求先生遺文。不謂蜀中絕少。片紙隻字。無不等之崑玉南金。不獲睹也。快快者久之。後薄宦黔中。時時遍訪。偶得太史升菴全集一編。乃前明按蜀御史宋可泉先生偕蜀撫張公瀾濱極力搜索。得之升菴之姪之手。而親加釐訂。創爲付梓。後又有御史陳公諱大科。重爲較定。剞劂者。參披而讀之。始信升菴之學博矣。而莫識其涯。升菴之文遠矣。而莫窺其奧。所謂載道之文。其是在是。與。其在是。與。顧是集於升菴一斑耳。無論全豹難觀。卽此一斑。倘非宋張陳諸前輩珍重殷勤。一鑄再鑄。不幾全沒乎。傳書又豈易易哉。爰攜歸以示吾鄉。則莫不傳觀抄錄。若獲拱璧。因思人心共嗜大美。原應共諸天下。況升菴著述。尤其不忍湮沒者。是集自可泉先輩搜羅創刻之。又得御史陳公不憚校讐。重爲鏤板。豈有他哉。不過恐作者之失墜。鑒學者之慕思。爲之廣其傳耳。參因不揣譾陋。用將原書重爲校刻。公諸同好。正以慕可泉諸先輩傳書之雅。實以誌余小子心佩升菴之微忱耳。時乾隆六十年歲次乙卯蒲月中浣日。揀發貴州候補吏目署鎮遠府經歷後學廣九周參元書。

升菴全集敘

以論博物君子。其在我朝。則楊升菴先生執牛耳哉。先生于書無所不讀。卽諸父兄弟家庭小集。亦遞條舉徵故事爲酒政。而先生嘗自稱愼。苟非生執政之家。安得徧發皇史宬諸秘閣之藏。旣得之。苟非生有嗜書癖。亦安從筍吾腹。旣兼有是。苟非投諸窮裔荒徼。亦不暇也。嗟嗟。天啓文獻。代不數人。俄而龍驤。俄而螭訕。固並有意云。先生雜著。丹鉛輯錄。譚苑醍醐。諸書亡慮數十種。我先司寇嘗從填蜀歸。悉授余大科讀。且謂將謀彙刻之。適與行會。未遑也。久之。余從都下過先生。從子侍御君所得見先生全集焉。則韓城張公併彙詩文刻諸蜀中矣。曾殺青幾何時。而其字已剝且蝕矣。此其摹印之者衆矣。誰謂雞林紙貴之語誕也哉。頃以其暇。奉筍中所受者遺書。參以蜀本。手讐校焉。而付之剞劂。成先志也。或謂汝南陳晦伯又作正楊一編。何耶。余曰。尼父刪述。莫贊一辭。其諸著作之林。率有羽翼之者矣。明資善大夫右都御史後學陳大科譔于鶴城書院。

升菴先生年譜

公姓楊氏諱慎字用修別號升菴其先廬陵人六世祖諱世賢者元末避歐祥之亂徙楚麻城再避紅軍亂乃入蜀居新都世賢生壽山壽山生玫玫生湖廣提學僉事留耕公春留耕公配葉氏子七人長廷和卽公父少師石齋次廷平號龍山次廷儀號瑞虹次廷簡早卒次廷宣號龍崖皆葉夫人出次廷歷次廷中側室王氏出石齋公生於天順己卯年十三舉於鄉二十舉進士由翰林庶吉士歷官少師兼太子太師首相兩朝有除難定策之功焉子四長卽升菴公少師元配一品夫人眉山黃明善之女所出次惇號敍菴癸未進士兵部職方主事恆號貞菴廕中書舍人陞大理右寺副忱號孚菴丙子舉人皆太孺人蔣氏出若龍山公之子愷悌瑞虹公之子恂慤性龍崖公之子悅惟則皆公之從弟也先是石齋與夫人黃氏以艱嗣爲憂嘗禱於神後夢神語曰當以聰明奇慧子畀君又夢送五代忠臣夏魯奇至曰武臣也復以中庸十八章輔之宏治元年戊申十一月初六日生公於京師之孝順衞衞岐嶷顓達十歲母夫人教之句讀並授以唐絕句輒成誦又以筆管印紙作圈令公書字於中曰吾雖不知書然卽此則楷正自可觀矣公奮志誦讀不出戶外戊午年十一作近體詩有一盞孤燈照玉堂之句石齋公曰句佳矣但恨太孤寂爾不悅己未果羅母黃夫人憂極其悲號廢食骨立未幾祖母葉太夫人訃聞隨石齋公回蜀守制留耕公授以易兩句而決不遺一字擬作古戰場文有青樓斷紅粉之魂白日照翠苔之骨數語瑞虹公極稱賞又命擬過秦論留耕公奇之曰吾家賈誼也一日石齋公與瑞虹龍崖二公觀畫問曰景之美者

入曰似畫。畫之佳者。人曰似真。孰爲正。公舉元微之詩以對。龍崖曰。詩亦未見佳。汝可更作。公呈稿云。會心山水真如畫。名手丹青畫亦真。夢覺難分列禦寇。影形相贈晉詩人。二公曰。只此二句。大勝前人矣。時公年十二。辛酉。石齋公服闋。公亦入京師。有過渭城送別詩。霜葉賦。其馬嵬坡詩云。鳳輦匆匆下九天。馬嵬西去路三千。漁陽鼙鼓烟塵裏。蜀棧鈴聲夜雨邊。方士遊魂招不返。詞人長恨曲空傳。蛾眉尙有高邱在。戰骨潼關更可憐。師福建鄉進士魏雪溪先生浚。習舉子業。偶作黃葉詩。李文正公見之曰。此非尋常子所能。吾小友也。乃進之門下。命擬出師表及傳奕。請沙汰僧尼表。文正覽之。謂不減唐宋詞人。宏治乙丑。侍石齋公於禮閣。時崔公銑試卷在分考。劉武臣簾下。疑其刻深未錄。公見之。愛其奇雋。以呈石齋公。遂擢詩經魁。崔知而以小座主稱焉。竟爲生平知己。時公年一十八歲。正德丙寅。與同鄉士馮馴。石天柱。夏邦謨。劉景宇。程啓充。爲麗澤會。卽墨藍田。永昌。張含。經社倡和。丁卯。歸應四川鄉試。督學南峯劉公面試。而奇之曰。吾不能如歐陽公。乃得子如蘇軾。是秋果擢易魁。九月。安人王氏來嬪。清素僅如田家禮。十一月。上禮部。戊辰。春試。主考王公鑒。梁公儲。得公文。已置首選。卷偶失燭。遂下第。有空吟故國三千里。悔讀南華第二篇之句。入國學。祭酒周公王類試之曰。天下士也。己巳。歷事禮部。周旋朝夕不倦。尙書劉公宇。一日見公。問曰。子爲誰。對曰。楊慎。劉曰。本部天下人。豈必一大臣子弟耶。乃稱嘆不置。辛未。禮部費公宏知貢舉。入總文衡。助靳公貴。擢公第二。殿試。則及第第一。制策援史融經。敷陳宏剴。讀卷官李公東陽。劉公忠。楊公一清。相與稱曰。海涵地負。大放厥詞。共慶朝廷得人。授翰林修撰。公時年二十四。癸酉。丁繼母喻夫人憂。居家讀禮。賻儀一無所受。學憲劉公節稱之曰。禮不忘於口。誦義每絕乎幣交。明年。藍郡諸

寇作亂。公在邑城中。日夕戒嚴。有賊數百。詐稱官軍。以劫門者。公令守雉堞者詰之。散去。乙亥。服闋。冬十二月。北上。舟至嘉定。黃閣扁幾危。而得濟。遂與布政伍公符隣舟唱和。下江陵。丙子。入翰林。爲經筵。展書官。及校文。獻通考。同館則鄒公守益。王公思尹。公襄。劉公泉。孫公紹祖。張公潮也。丁丑。爲殿試掌卷官。得舒公芬榮。以呈閣老梁公儲。不置鼎魁。公力爭。乃得首第。時武皇遊幸宣大榆林諸邊。返而復往。公疏切諫。不報。乃以養疾乞歸。明年。王安石卒。己卯。繼室得遂寧黃簡肅公珂女。時江西寧藩之變。值石齋公當國。公經廣漢詩曰。遊子戀所生。不獲常懷安。大哉宇宙內。吾道何盤桓。庚辰九月。公北上。仍舊官。辛巳四月。世宗卽位。五月。公爲殿試受卷官。八月。開經筵。公首作講官。進尙書金作贖刑之章。言聖人贖刑之制。用於小過者。冀民自新之意。若大姦元惡。無可贖之理。時大閣張銳于經等皆犯先朝事。罪當死。以進金銀得免。故及之。壬午二月。命公代祀江瀆及蜀藩諸陵寢。著江祀記。與給事熊公浹御史簡公霄遊浣花溪。載酒賦詩。有烟霞誰作主。魚鳥自相親。斗酒千金會。扁舟兩玉人之句。十一月。北上復命。癸未。纂修武廟實錄。公練習朝野遇事必直書。總裁蔣公冕費公宏曰。官階雖未及。實堪副總裁者。乃盡以草錄付校。時六年考滿。吏部侍郎羅公欽順考公語曰。文章克稱乎科名。慎修允協乎名字。甲申七月。兩上議大禮疏。嗣復跪門哭諫。中元日下獄。十七日廷杖之。二十七日復杖之。斃而復甦。謫戍雲南永昌衛。時同事死者配者黜者左遷者一百八人。挽舟由潞河而南。值先年被革挾怨諸人。募惡少隨以伺害公。知而備之。至臨清始散去。時公年三十七。乙酉正月。至雲南。病馳萬里。羸憊特甚。栖栖旅中。方就醫藥。而巡撫台州黃公衷促且甚。公力疾冒險抵永昌。幾不起。巡按郭公楠清戎江公良材極爲存護。卜館雲峯居之。且上

疏乞宥議禮諸臣。而郭亦被詔下獄爲民。丙戌九月。聞石齋公寢疾。匹馬問道。十九日至家。石齋公悅而疾愈。七月。攜家就戍所。十一月。尋甸府土舍安銓起變。十二月。武定土舍鳳朝交亦起。攻掠城堡。爲患孔亟。公嘆曰。此吾效國之日也。乃戎服率旅僮及步騎百餘。往緣木蜜所守禦。入城與副使張峨謀固守。明日。賊來攻城。寧州土舍陸紹先率兵戰城下。公促城中兵鼓譟。開門出戰。以助外兵。賊散去。公復歸會城。戊子春。疫殍大作。乃徙居洱海城。疫息。仍居雲峯。尙書伍公文定。黔國沐公紹勳。鎮守太監杜唐。同來問疾。時公一足病。有半人嘲擊齒。一足笑虞襲之句。己丑八月。寓趙州。聞石齋公訃。奔告巡撫歐陽公子重疏。上得歸裏事。十一月。還滇。壬辰正月。布政高公公詔聘修雲南通志。館於滇之武侯祠。時卿大夫有欲昌嗣潁川侯傳友德以覲世爵者。公不可。乃乘張羅峰復相。流言欲中害公。遂去。有中宵風雨太多情。留住行人不放行。借閭小西門外柳爲誰相送爲誰迎之句。癸巳。西遊大理諸處。會嶠山張公舍於霽虹橋。刻詩崖畔以志別。甲午。阿密州僉事王公廷表迎往館之。經臨安。納少室新喻人周氏。乙未六月。子同仁生。丙申至嘉州。訪給事楊宏山。十雲復寓點蒼山。感通寺之寫詠樓。丁酉。與御史李中漢。元陽遊石寶山。七月。還戍所。戊戌。奉戎檄歸蜀。便道獲拜阡梓。事畢還滇。己亥十一月。再領戎役於重慶道。庚子役竣。至遂寧。七月。歸新都。八月。巡撫東臬劉公大謨。聘公及玉壘王公元正。方洲楊公。各纂修蜀志。辛丑。還滇。至東瀘。疾作。巡撫龍山戴公金留之。返成都。與梓谷黃公華珥江劉公大昌。遊青城。丹景臺諸山。壬寅七月。還戍所。八月。納少室京兆人曹氏。癸卯十二月。子寧仁生。公大喜。時當道與黔國沐公交遊。士大夫俱詩章晏賀。有天上麒麟輝蜀水。海中龍馬過滇池之句。是年。公復領戎役於蜀。甲辰。至瀘州。與少岷曾公。

瑛遊九十九峰山。四月還戍所。乙巳二月。徙居大理。與門生董難尋罷谷山。經喜臉會宏山。諸公倡和。九月還戍所。丙午丁未。居滇之高曉。有十二境。日與士大夫交遊。二月。公屬紹芳。隸漢王褒。移金馬碧鷄。文於羅漢寺之崖。凡招提佳勝。會意處。便操觚留題。冬十月。公復適臨安。訪臬憲樊公景麟。暨桐岡葉公。遊諸巖洞勝景。戊申春。至晉寧。與侍御池南唐公。錡遊海竇。蟠龍生佛諸山。陀已酉。居高曉。夏秋。每與滇之鄉大夫葉雨湖。胡任山。遊。初。武廟閱文獻通考。天文星名。有注張。命內閣取秘書通考。又作注張。中使下。問欽天監及翰館中。皆莫知其爲何星也。公曰。注張。柳星也。歷引周禮史記漢書以復。又湖廣土官水盡源通塔平長官司進貢。同官疑爲三地名。於長官司上添一三字。公曰。此六字地名也。取朝中官制證之。嘉靖中。給事中張紳上言時政。論學術不止一條。有禱字鬼瑣之語。上問之內閣。公適在館中。卽取荀子非十二子篇以復。敬所蔣公喜曰。用修之博。何減古之蘇頌乎。其該洽精辨類如此。乃若論王導之賊晉室。辨太王之非剪商。魯之重祭。不始於成王周公。春秋五伯。深斥乎楚宋秦繆。引墨子及修文御覽。以辨范蠡無載西施之事。引黃東發蘇東坡之言。及李漢韓文序。以辨文公與大顛書之僞。駁歐陽氏非非堂之說。辨陳白沙六經皆上虛之語。斥戴石屏之無行。傳唐貫梅之死節。此又證據古今。闡揚幽隱。謂其有功世教也。非乎。至若陶情乎豔詞。寄意乎聲伎。落魄不羈。又公所以用晦行權。匪恆情所易測者也。昔重慶守劉公繪。貽公廷祿。偕紹芳數遊昆明池。有池賞詩社集。庚戌四月。海口疏雲南臺司顧箬溪諸公。請公記其事於石。壬子二月。時在逸武弁得委祭龍海口。歸肆狂惑。復丁夫六千。督往駐濬。剝衆利。州人苦之。有言於公者。公歎之曰。海已涸矣。田已出矣。民已疲矣。致書巡按趙公炳然罷之。三月。劉蓉峯明刑持

先廷尉執齋王公詩文集請公批選於太華寺。癸丑公復領戎役於蜀。僑寓瀘州。丁巳六月。長子同仁卒。無嗣。八月。歸新都。敍菴弟卒。公痛悼倍於尋常。其誄詞曰。我生與弟。先後之年。呱呱而泣。形分氣連。夏炎合簾。冬寒並氈。母攜父抱。偃溲就乾。八歲就傅。雙筆一研。嬉戲偕止。出入隨肩。飲啖讓果。跬步共磚。又曰。七襄將躋。我歸自滇。兄酬弟勸。翕樂罔愆。觴我於庭。羣從爭攀。劇談飛屑。倡和珠蟻。笑語亟斷。頃刻復延。豈意宴席。化爲几筵。遽爾凋喪。門祚中顛。幼弱一人。何忍余捐。余生則先。弟亡則前。兄弟存亡。誰質諸天。其友愛至情。見於辭者如此。至若保惠遺孤。紀綱家政。既乃心力。從子有仁。以髫年失怙。而卒免於顛覆者。皆公惠之及也。戊午。子寧仁娶瀘州勝恩官女爲室。公僑寓江陽者十數年。交遊日衆。與會岷野章后齋諸公友善。己未春。還戍所。六月。遭疾。感懷詩曰。七十餘生已白頭。明明律例許歸休。歸休已作巴江叟。重到翻爲溟海囚。遷謫本非明主意。網羅巧中細人謀。故園先隴癡兒女。泉下傷心也淚流。又訣李張唐三公詩云。魍魎禦客八千里。羲皇上人四十年。怨誹不學離騷侶。正葩仍爲風雅仙。知我罪我春秋筆。今吾故吾逍遙篇。中溪李元半谷張池南唐叟。此意非公誰與傳。卒於七月六日。年七十有二。時巡撫雲南游公居敬命殯歸新都。庚申冬。祔葬石齋公墓側。丁卯。穆宗卽位。奉遺詔。追贈光祿寺少卿。長子同仁先卒。次子寧仁。時寓瀘州。公卒之年。去八黃至瀘迎歸。撫教則夫人任之也。公孝友性植。穎敏過人。家學相承。益以該博。凡宇宙名物之廣。經史百家之奧。下至稗官小說之微。醫卜技能草木蟲魚之細。靡不究心多識。闡其理博其趣。而訂其訛謬焉。正德間有寄書曰。凡人情有所寄則有所忘。有所護則有所棄。寄之

不深則忘之不遠。譏之不甚則棄之不篤。忘之遠則我無所貪。棄之篤則人無所忌。無所忌而後能安。無所貪而後能適。足下所爲。蓋得其適與安也。古人買田宅。擁聲伎。皆豪傑蓋世之才。然獨無抱尺寸者之見也。僕觀足下自蒙難以來。嘔心匠意。摹文續經。近搜百氏。窮探古蹟。鑿石辨剝。泐碑搜出遺忘。有僻儒苦士白首蓬藿。日月纂索。所不能盡。而謂竭精蕩神於逸欲聲色者。能之乎。斯言也。可謂諒公之深者矣。公嘗語人曰。資性不足恃。日新德業。當自心力中來。故好學窮理。老而不倦。又嘗自贊曰。臨利不敢先人。見義不敢後身。雖無補於事業。求不負乎君親。遭逢太平。以處安邊。歌咏擊壤。以終餘年。天之顧畀。厚矣篤矣。吾之涯分止矣。足矣。蓋困而享冲而盈。寵爲辱。平爲福者耶。此公自狀實錄。至其平生著述四百餘種。散逸頗多。學者恨未睹其全也。

升菴全集目錄

一卷

鳳賦

鴈來紅賦

綵扇賦

戎旅賦

石蛙賦

後蚊賦

泛水雜體

梅花賦並序
漢中集

二卷

丁丑封事

周官音詁序

山海經後序

轉注古音略序

伊蘭賦

樂清秋賦

藥市賦

古度賦

蚊賦

思友賦寄楊用脩附

戲作破蚊陣露布

古文參同契序

石鼓文序

水經序

檀弓叢訓序

六書索隱序

補名賓異號錄序

風雅逸篇序

選詩外編序

唐絕增奇序

清音競秀詩卷序

譚苑醍醐序

滇候記序

三卷

大理府志序

雲南鄉試錄序

貴州鄉試錄序

周受菴詩選序

玉岡詩集序

韓太之赴徵命序

送成都府胡同知序

宜和書譜序

分隸同構序

五言律祖序

選詩拾遺序

羣公四六序

書品序

丹鉛別錄序

四川總志序

劍州志序

雲貴鄉試錄後序

三楚壯游詩序

宋封君一嘯壽七表序

送卞蘇溪歸鉅州序

送趙從之序

夏正小敍錄

管子敍錄

古文韻語題辭

李前渠詩引

四卷

新都縣八陣圖記

歲享旌忠廟碑記

工科題名記

四川建昌兵備道題名記

新都縣重修儒學記

臨安府鄉賢祠記

雲局記

郭門雙節記

五卷

二伯論上

廣正統論

魯之郊禘辯

石鼓文敍錄

李太白詩題辭

霞邱歸引

江祀記

景川曹侯廟碑記

四川御史題名記

兵備姜公去思記龍

楚雄府定遠縣新建儒學記

七星橋記

碧曉精舍記

內江蕭氏雙節記

二伯論下

古今人表論

息壤辯

性情說

廣性情說

格物說

耕樂解

閒書杜律

六卷

與歐陽子重都憲書

謝歐陽子重書

與金鶴卿書

與徐用先書

答重慶太守劉嵩陽書

答劉南坦司空書

與升菴楊太史書

附

七卷

兵部尙書兼都察院右都御史東泉姚公神道碑銘

明故吏科給事中西坪安公墓銘

清玄先生通山尹吳公墓銘

銅梁尹汪汝濟墓銘

封君樂隱李公墓誌銘

李解元墓銘

大理梁將軍阡銘

湘潭貳令文公墓銘

向秉誠墓誌銘

段君墓碣銘

鄒隱君墓銘

八卷

柳池施翁墓銘

萬松張處士墓銘

南津黃君峻卿墓銘

黃母鼎太夫人墓誌銘

贈御史中和處士陳君配孺人謝氏合葬碑銘

明故文林郎樂齋譙公太孺人楊氏合葬銘

姨母黃淑人墓誌銘

亡妻王安人墓誌銘

孝友後華李子玉諱

貞靖李君阡讚

宋宜人銘詩

九卷

祭劉文簡公文春

祭黃簡肅公文珂

祭黔國恭熙公文

祭參戎石岡沐公文

祭毛以正文亨

祭洪易之文

祭彭子冲文汝實

祭波石徐公文麓

祭在軒胡公文廷驤

祭玉壘王舜卿文元正

祭沐九華文

祭用貞弟文恆

祭敍菴弟文傳

祭岳母黃太夫人文

十卷

跋越絕

越絕當作越紐跋